

TEKS UCAPAN PERASMIAN

**YBHG. DATO' PROFESOR DR. HUSAINI BIN OMAR
KETUA PENGARAH PENDIDIKAN TINGGI
JABATAN PENDIDIKAN TINGGI
KEMENTERIAN PENGAJIAN TINGGI**

SEMPENA

**MAJLIS PERASMIAN PENUTUPAN KEJOHANAN
SUKAN ANTARA FAKULTI 2023**

STADIUM UiTM SHAH ALAM

Terima kasih majlis.

Assalamualaikum WBT dan Salam Sejahtera

YANG BERBAHAGIA

PROFESOR DATUK TS. DR. HAJAH ROZIAH MOHD JANOR

Naib Canselor

Universiti Teknologi MARA

YANG BERBAHAGIA

PROFESOR DR. HAJI MOHD SAZILI BIN SHAHIBI

Timbalan Naib Canselor (Hal Ehwal Pelajar)

Universiti Teknologi MARA

YANG BERUSAHA

DR. SHAHSUZAN ZAKARIA

Pengarah Pembangunan Pelajar

Universiti Teknologi MARA

YANG BERUSAHA

ENCIK AHMAD TARMIZY MOHAMMED

Pengarah Pusat Sukan

Universiti Teknologi MARA

Penolong-Penolong Naib Canselor,

Dekan-Dekan Fakulti,

Dekan-Dekan Hal Ehwal Pelajar,

**Timbalan-Timbalan Dekan Hal Ehwal Pelajar,
Pegawai-Pegawai Kanan Universiti
Ketua-Ketua Jabatan,
Para Tetamu Jemputan,
Wakil-Wakil Media,
Atlet-Atlet Sukan Antara Fakulti
dan Para Hadirin Sekalian.**

[SALUTASI-KEMASKINI BERDASARKAN KEHADIRAN]

1. Terlebih dahulu saya mengucapkan ribuan terima kasih kepada pihak UiTM atas kesudian menjemput saya ke Majlis Penutupan Kejohanan Sukan Antara Fakulti (SAF) 2023 pada malam ini. Saya turut ingin memanjatkan rasa syukur kepada Allah SWT, dengan izin-NYA kita semua dapat berkumpul di majlis yang meriah ini.
2. Seperti semua maklum, UiTM bukanlah nama yang asing di dalam arena sukan negara kerana atlet dan pasukan UiTM yang terdiri daripada pelbagai jenis sukan sering terpampang di media cetak dan elektronik melalui laporan kemenangan dan pencapaian melalui pertandingan yang telah disertai. Penyertaan atlet UiTM bukan sahaja pada peringkat kebangsaan bahkan turut menganggotai skuad negara di kejohanan antarabangsa seperti Sukan SEA, Sukan Asia, Sukan Komanwel dan kejohanan-kejohanan sukan peringkat antarabangsa yang berprestij.

Hadirin sekalian,

3. Saya juga sedia maklum di atas pencapaian yang baik oleh pasukan bola sepak UiTM FC dan pasukan hoki yang terlibat secara konsisten di dalam liga–liga kebangsaan. Penglibatan di dalam liga–liga kebangsaan ini jelas membuktikan bahawa UiTM serius untuk terlibat di dalam bidang sukan dan bukan sekadar menyertainya bahkan terus bersaing untuk mencabar kejuaraan dari pasukan–pasukan utama. Ia pastinya memerlukan sokongan dan komitmen yang tinggi. Walaupun peruntukan dan perbelanjaan yang minimum, pasukan UiTM terus bersaing dengan baik.

4. Berdasarkan pencapaian serta statistik bilangan atlet negara di universiti–universiti awam dalam negara, dapat disimpulkan bahawa universiti bukanlah kubur kepada atlet tetapi tempat untuk menimba ilmu akademik dan ilmu dalam bidang sukan. Selain itu universiti turut memainkan peranan untuk meningkatkan prestasi dan pencapaian atlet pelajar bertaraf kebangsaan melalui kajian–kajian saintifik sains sukan untuk meningkatkan prestasi atlet dan pasukan negara.

5. Saya percaya melalui program motivasi dan pembangunan sukan yang disediakan di UiTM seperti Sukan Antara Fakulti bukan sekadar bertujuan untuk pembangunan fizikal semata mata, bahkan untuk membentuk *'Thinking Athlete'* supaya menjadi atlet yang bijak mengurus diri secara profesional sebelum, semasa dan juga selepas pertandingan.

6. Atlet yang bijak biasanya lebih tenang mengawal emosi dan juga cekap merancang strategi ketika menghadapi lawan di dalam pertandingan. Selain itu atlet yang bijak juga tahu merancang gaya hidup yang bersesuaian dengan peranan sebagai pelajar dan juga sebagai atlet terutama apabila perlu menghadiri ke kelas, latihan sukan dan juga pertandingan. Pembahagian masa perlu dibuat dengan penuh berdisiplin supaya atlet pelajar ini boleh berjaya dalam kedua-dua lapangan

7. Saya juga percaya, pensyarah-pensyarah di UiTM begitu fleksibel dalam menangani situasi pelajar ini kerana mereka merupakan individu istimewa yang telah mengorbankan masa dan jiwa mereka untuk sukan yang diceburi. Dengan jadual latihan dan pertandingan yang ketat, tidak mustahil atlet ini dapat memberikan komitmen sepenuhnya dalam akademik. Tanpa sokongan UiTM pastinya atlet- atlet ini akan menghadapi kesukaran di dalam membahagikan masa kuliah dan komitmen sukan sama ada latihan mahupun pertandingan.

Hadirin sekalian,

8. Saya berharap agar UiTM, sentiasa meneruskan momentum pencapaian yang cemerlang di dalam bidang sukan khususnya pencapaian sukan negara. Saya juga mengharapkan agar hubungan baik antara Kementerian Pendidikan Tinggi dengan UiTM akan terus dapat menghasilkan impak yang besar terhadap pencapaian sukan negara kelak.

9. Saya mengucapkan syabas dan tahniah kepada UiTM kerana berjaya menganjurkan Kejohanan Sukan Antara Fakulti (SAF) 2023 diperingkat UiTM ini dan mencapai objektif penganjuran. Tahniah juga kepada pemenang-pemenang yang berjaya mencipta kejayaan pada SAF 2023 edisi kali ini.

10. Dengan lafaz dengan lafaz 'Bismillahirrahmanirrahim', saya mewakili Timbalan Menteri Pengajian Tinggi dengan ini merasmikan Majlis Penutupan Kejohanan Sukan Antara Fakulti (SAF) 2023..

Sekian.

Wabillahi Taufik Walhidayah Wassalam Mualaikum

Warahmatullahi Wabarakatuh.